

Opasan incident u Općini Kotor-Varoš: Bošnjacima u RS poturaju

21/05/2013 23:19 by Administrator

Da vlasti u Republici Srpskoj uporno pokušavaju promijeniti stvarnu demografsku sliku i "na papirima" smanjiti stvarni broj Bošnjaka, pokazuje primjer iz Općine Kotor-Varoš. Naime, prilikom izdavanja rodni listova Bošnjacima, u odjeljku nacionalnost, umjesto pravog naziva, matičar upisuje nepostojeću "muslimansku"!

Manji entitet

Naš u redakciju na to je upozorila jedna bošnjačka porodica, koja je ostala okirana vidjevši rodni list koji je dobila jedna njihova članica. Iz straha od odmazde lokalnih vlasti, oni nisu htjeli javno objaviti ime, ali su nam dostavili fotografiju izdatog rodnog lista na kojem, umjesto Bošnjakinja, piše muslimanka. Rodni list iz Kotor-Varoši: Skandalozno ponašanje matičara - Osoba koja traži izdavanje rodnog lista ne izjašnjava se o nacionalnosti, a matičar nije ništa upitao, samo je izdao rodni list na kojem umjesto "Bošnjakinja" piše "muslimanka". Na ovo bih želio skrenuti pažnju ljudima koji vade dokumente u manjem entitetu, jer smatram da je to jedan od načina da Bošnjake koji žive u Republici Srpskoj svrstaju u ostale - kazao nam je naš sagovornik, moleći za anonimnost.

Ovaj incident, kako pojašnjavaju stručnjaci, potvrđuje informacije koje su od ranije dostupne javnosti da u manjem entitetu namjeravaju insistirati na vraćanju termina muslimani umjesto Bošnjaci, kako bi omogućili manipulacije prilikom popisa stanovništva.

- Jasna je namjera da se odluka Bošnjaka da vrate svoje historijsko ime na ovaj način pokuša osporiti. Time se i dijeli najbrojniji narod u BiH, a sve s namjerom da se kasnije može manipulirati i relativizirati ustavna pozicija Bošnjaka i njihova prava - isti je naš sagovornik.

Pet institucija

Podsjetimo, temeljne bošnjačke organizacije okupljene u Fondaciju "Popis 2013", njih pet, već duže vremena upozoravaju na moguće manipulacije uoči predstojećeg popisa stanovništva. Naime zbog raznih mahinacija i zagovaranja rješenja kojima će biti iskrivljena statistička slika BiH postoje strahovanja da će stvarni broj Bošnjaka na "zvaničnim" papirima biti mnogo manji, odnosno da će najbrojniji narod u državi biti sveden na margine.

Izvor vijesti: Dnevni Avaz